

金鎖流珠引卷之二十二

辭二

金鎖流珠引卷之二十二

辭二

中華總真大仙筆至平張道陵趙昇真旨命李備茅盈許昇等後代撰

中華仙人李淳風注

醮七星二十八宿法

餅果十一盤 餅子須新潔果子取棗栗時新

酒罇杓各二杯四十五鹿脯四十五今併

脯安果拌香爐三具鹽豉各一拌燈八盞各

安纂上三台三盤九杯一燈九兩脯作一楪

茶十片熟十四盞席八領銀錢二千二百貫

或只醮即不用小經案一面安置訖即解穢

如法步至壇如常法起平立

先叩齒一十二通小醮若三十六通

著大醮

次發爐

太上玄元五靈老君當召功曹使者左右龍

辭二

虎君捧香使者三一正神速上關啓

三天玄元太上老君臣今正爾燒香列案設

醮行道願得

太上十方正真生炁來降臣身中為人醮即

某人臣等所啓速達逕御

至真无極玉皇上帝 几前畢乃平坐

次三上酒

次讀醮儀

次思存見將軍吏兵一半從天門西北來赴醮筵座一半從額間出赴醮

泰玄都云云

臣則云

今於某處奉設醮禮

謹上請北斗七星尊神君

再拜

謹請貪狼陽明星尊神君

謹請巨門陰精星尊神君

謹請祿存真人星尊神君

謹請末田玄冥星尊神君

謹請廉貞丹元星尊神君

謹請武曲北極星尊神君

謹請破軍天關星尊神君

謹請三台星神君

辨二

謹請東方七宿角亢氐房心尾箕星官

謹請北方七宿斗牛女虛危室壁星官

謹請西方七宿奎婁胃昂畢觜參星官

謹請南方七宿井鬼柳星張翼軫星官

所請星宿神官及司命君司錄君解厄君解

刑君消災君散禍君具官來下臨饗醮禮臣

某稽首再拜因伏席思請神降在座上三上

酒上香

次長跪曰

臣某謹上啓

北斗七星真人府君尊神及諸星官臣某肉

人庸微叨預道烝得居榮祿久積歲年今年

若干歲某月某日生本命胎烝不知善惡行

年支干不測吉凶幸蒙冥祐以至今日但為

形神衰弊疹疾侵染魂魄不寧夢寐虛妄或

前身宿孽今身以來積值凶害之氣多處刑
殺之中致有四殺兼并五刑交集三丘五墓
天年歲殺懸尸六害孤辰寡宿九宮八卦絕
命刑禍天羅所纏地網所繞深恐身命不能
保全自非玄恩拯拔莫之得免臣某歸心至

辨二

三

誠啓祈恩福輒營醮禮仰希照納伏惟

七星北斗斗中真人及其所屬某等星尊神

歆納薄禮昭允誠請臣某稽首再拜三上酒

上香

臣某謹上啓北斗星君一切尊神臣某如爲

人醮即稱彼人名立身以來心跡愆過或違
禮教或多傷殺為四司所糾三官所罰書記
罪名日加深重因今醮謝輒乞哀原伏惟

北斗七星尊神二十八宿三十五星官司命
君司錄君解厄君解刑君消災君散禍君一

切諸神君為某上消天災下滅地禍調理陰
陽改易凶咎解除年命厄會三五刑尅非災
橫禍官私口舌惡人凶鬼乞蒙道炁常保貞
吉臣某稽首再拜三上酒上香

臣某謹上啓斗星天宿闔座威靈臣凡愚不

闕儀軌陳詞誼雜犯忤威靈千罪萬過並希
矜恕唯乞長生久視臣某乙謹稽首再拜奉
送伏席思神忽然上昇

次讀內神呪曰

臣設醮事訖向所出臣身中將吏功曹使者

一切諸官君各從衆妙門而入在左還左在
右還右各還宮室纏身繞骨彌綸天地經衛
百脉無令錯互須召復出一如故事

次起把取章函誦復爐呪三

香官使者左右龍虎君侍香諸靈官當令臣

此設醮之所自然生金液丹碧芝英衆真百
靈交會在此香火爐前當令臣學道得道求
仙得仙舉家受福天下蒙恩十方仙童王女
侍衛香煙傳奏所言徑詣

至真无極玉皇大天帝御前然四散酒食即

辭二

手把取簡起退步還從東南角出先右脚著

四

履揖辭壇

次呪曰

出陰入陽萬事開通關啓事竟各備仙宮訖
任意東西當房宅內十二之神門丞戶尉宅

舍將軍井竈之神普同歆饗與臣羅列鎮守
房宅使災不過門疫不過戶邪精鬼賊莫敢
當向大道盟威正一祕法事在不輕若守鎮
有功興福助善三會吉日同章舉遷不得懈
怠依法彈糾一如天師律令散酒食如忽有
急切及疾病事須祈解不可待本命即用此
日注此不寫已有在醮本命儀第二卷同

雜使天關助國安家護身出災度厄
救人濟物衆法

太上老君曰夫志人凡志人學道常以切心

謹慎師事於師視師顏色常恐師不教妙用
之法訣得訣志若穿石不移習不休轉尚年
深至誠不退謂之志心取道道不負人今人
有口無心用心不真非道無神修學志道生
明驅使七星北斗之法法以助國安家護身

辭二

五

救人濟物通神是以萬兵不能執百鬼不能
欺千災自滅萬禍敢爲入水入火不溺不燒
驚畏之地莫測心皆預知通靈通神成仙無
疑所願皆得志人不爲夫志人心切慕道不
爲諸法除救人疾病之外不行後聖君曰大

道之使者莫過於中斗也 下界人呼爲北斗

是有九星不見二星常在斗中一星名帝尊

是天地罰惡記善萬星之主 經云中斗九星

二星不見一星主天地之星使應大道名曰

帝尊但九野中星除五行六甲大星之外總

是帝尊一星君差爲使所主使也甚要執權

一星是名玉帝主天地之間星宿天神地祇

人神龍鬼精邪姦妖皆是此星君所部主也

有善功於天地人物盡主也有善功於天地

人物此星君勅天關使者關奏上啓玉皇上

帝道君以善功立數遷階進品祿非獨長生
仙人世之官將人民皆所主也若有凶惡祆
逆之罪亦主之即今天關使隨罪輕重貶殺
之也天關者上將也一星名玉帝君上主關
奏啓太上无極大道玉皇帝大道君也故衆

官呼爲玉帝星君主前注說老君曰夫欲轉

天關伐凶逆助國安人之法先帶入兵虎符
入靖室中以躡地紀順倒反三遍飛天綱三
遍順倒反三遍也訖下網散爲禹步三步九

跡又反爲十二步又再爲十五步足下網配

衣左手把出軍符轉天關九指有逆國賊之
方賊衆大呼其賊名近則呼聲小及人多亦
如之即呪曰

惡逆某乙爲賊逆君妄集妖群盜劫財物損
殺平人太上不許大惡大瞋令勅消轉斗關

辭二

六

津三度九指殺滅某賊群一切禁制口令傳

臣命臣行法轉斗攝殺急急如律令捻刀支

訣訣隨五方筭東來木人刀支云云一日之
中三度指不逾百日自敗此法甚驗妙音黃

石公用教太公姜子牙用之甚驗太公後不

傳此法有訣訣在後注中老君曰人者是五行所生六甲始運有盛衰盛則南斗所主衰則北斗所主南斗六星故曰六甲北斗七星故曰七宿南斗主生北斗主死故曰生死屬二斗所管也若人犯惡非違便北斗所轉天指也人之衰盛皆屬二斗所察若造惡惡貫已滿天必誅之則南斗落名北斗斬形人造惡皆是北斗之所殺也今若有五惡反道背師反君背父如此之者天早自知更有志善之人爲國君爲師父收凶逆滅祿惡行正道

安人物其功可大可久太上喜之上補仙官
同治十天之任位登上清太真之位餘行用
救身家約此行用用符術前法

老君告司命隸君曰上古司命是隸君非後
隸君也今韓君替是此君位也中斗與南斗

辭二

七

北斗此三斗性直不愛無故十亂啓告求福
反招其禍學道之人須內自知之爲上昔有
志學之人郭聲子日夜燒香禮念北斗不絕

如此一七年被北斗君追責之曰我北斗是
糾察之官也正直行法一日一夜迴巡九天

若有星宿有罪有善我皆先知然始奏於上帝帝頻勅天使仙官聽察糾司恐行不正偏黨之事我等九司常懼罪及於已汝是何人如許凡愚夜夜燒香公天啓於我等求覓何物令我九星之衆交見不安今見上動五行下驚二十八宿總來問我此人無事妄以淫亂天司糾察何不前殺而後奏我緣汝是凡下不曉之故不是故行毒心所有聲子再拜謝之聲子死罪之有餘將以燒香供養斗君求覓功德及長生之福不知反招其罪但以

拜謝死不敢辭仁恐罪及於上仙北斗上真
君曰此是汝招罪有三一入妄無故無疾病
厄難求告天關令轉關使者瞋責何人何物
二常燒香遙禮北斗斗君恐被辰星所糾糾
舉我即入通人私受之罪三北斗女星君是

女性以沉重靜而清潔難犯犯觸枉殺子身
及北斗帝尊君玉帝君此二星性直難犯今
且放汝歸輒更勿爲聲子得放再活早死經
五日親友問故都更不言後書於醮七星及
二十八宿文儀中令後人不爲如有急難被

賊圍宅縣官口舌及病重啓告啓告訖步網
躡紀轉天關消之無妨甚有應驗速於水火
後聖君告大王君曰中斗北斗有急難之心
求救有應妄白禍生具前注說夫修至道心
人先以助國濟人物以為上如國不清有妖

辭二

八

氣也人不安道不行行道不能如此用心即
非志道心之人此亦是老君言也昔伏羲子
是伏犧之小弟也學道得仙學在人間取小
竹排以吹之學鳳聲今之笙也有仙人下看
看訖告夏子曰汝有兵厄也夏子起再拜而

請問出兵厄之法仙人曰汝可以龍迴龍迴

是令躡地紀法之步也虎跳是今之飛網之

步也出陣心思破陣出引星即今之配衣也

轉殺於指指之即今之轉天關是也而從基

向壞基者即今之日月建地也壞者即今之

日破地是也兵家算孤虛之法相似此地甚

有憑驗之極上古神人悉皆用也擊出得之

子既得出後以此法救急難有道之人老君

曰道友及內親被賊圍繞欲伐殺者如有計

救得者可以於行中躡地紀之勢順倒反三

來而作耳所以爾者世人固不能了其端緒
又使吾等不有隱諱耳冥中自相參解矣內
外自相關矣又四極明科高上禁重亦自不
聽我等復為世間常書也我既下手子固不
解亦將何趣兩為煩濫耶此亦當閣其可否

安一

九

殆不足嫌想少暢豁於肖懷盡不自書之流
分矣

上真司命南嶽夫人授今書如左
若夫仰擲雲輪總轡太空手維霄綱足陟玉
庭身升帝闕披寶歛青上論九玄之逸度下

紀萬椿之大生遂竦景電肅千霞煥明真言
玄浪高談玉清激朱脣之流微運日氣之零
零爰乃吐烽却煙彈金奏瓊鸞音箒粲鳳唱
嘉聲耳若但應景下旋迴靈塵埃參輦弊宇
教拂朝市來成具才訓我弟子則玉振落響
琳鐘內抑周目五濁契闊愆室神勞臭腥填
鼻斂氣遂閉蘭音於中華之元退紫金聲之
方劣而發耳夫神者言微於邇萬里必接竒
韻雖觸錯鑿無滯故真理之既分聞遐則道
高邈璞不肆瑩而致有卑微之聰也今子乃

有心覺之至將致嫌似之思外觀流俗之對
內有遲疑之悟乎不運事宜亦已邁也望所
營者道研咏者妙耳道妙既得高下之音必
坦然矣此非所謀吾子加之至慮散蕩斯念
宜慎之耳

右三條有揚書

六月二十四日夜南嶽夫人見授令書此先
是二十二日夕有在別室共論講道紫微南
嶽二夫人聲氣語音殊下不解其趣今故授
書此以答所共講者之疑心也初來見授時

色氣猶不平授畢可爾弟子唯覺色有不平

都無他可道此一係亦是
楊君自記論

南嶽夫人其夕語弟子言我明日當詣王屋

山清虛宮今汝知之所至也

其夕又言海東桐柏山西頭適崩二百許丈

安一

十

紫微王夫人云世人之思慮何得事事真審

耶可不事有答其心也南嶽夫人言戲之耳

欲建豎之也瑩實之也

興寧三年歲在乙丑六月二十五日夜此是
安妃

降事之端
記錄別為一
卷故更起
年歲號首也

紫微王夫人見降又與一神女俱來神女着
雲錦襪上丹下青文彩光鮮腰中有綠繡帶
帶係十餘小鈴鈴青色黃色更相參差左帶
玉佩佩亦如世間佩但幾小耳衣服儵儵有
光照朗室內如日中映視雲母形也雲髮鬋

此應是鬋字
鬋黑髮貌也鬋整頓絕倫作髻乃在頂中又

垂餘髮至腰許指著金環白珠約臂視之年
可十三四許左右又有兩侍女其一侍女着
朱衣帶青章囊手中又持一錦囊囊長尺一
二寸許以盛書書當有十許卷也以白玉檢

遍訖配衣轉天關九度指之又把入兵符指也
也捨賊某命人刀支刀支者東來木人刀支
南來火人刀支西來金人刀支北來水人刀
支四季上來者土人刀支辰戌丑未爲四季
夫捨刀支以當手自捨訖又以隨色塗之木

舞二

九

刀支以金白色塗之金刀支以火赤色塗之
水刀支以土黃色塗之火刀支以水黑色塗
之土刀支以木青色塗之訖更取出兵符遙
指之九度須臾賊心自退解圍而去不損彼
反親若不肯解圍去者陰軍擊之自相反相

誅相害而死盡此法微妙祕要非人勿令見
示後聖君告天師曰此法入軍入軍助國救
人出軍救友及己身也有符虎王符也以金
銅爲之方二寸或一寸半今本師度勅後錦
袋盛之永不得人見唯得四人見一本師保
舉師如保舉師遙克保舉度時不見後亦永
不得見二則君受臣臣受君三父受子子受
父得見四則夫妻得看餘人永不得看但是
道友內親欲帶治病但重重封之與病人帶
之病立差若病人偷看病即立發發直至死

也出軍出軍者自身領兵被圍衆破彼陣出

須繫符左肘有符白虎破強陣符也亦金銅

爲之方一寸半行用法訣同前符注皆以金

銅鑄繫之左肘入軍符左出軍符右右肘并

式禁制加臨相助必獲已勝彼崩敗如山大

驗非人勿令見視老君曰昔西胡有大國王

好道吾令學胡仙改號爲佛佛是仙之別名

也胡呼爲佛四天國不伏各擁強兵四十萬

人來圍遶此國城數重中王乞解放不肯此

王正心思存吾於空中見念吾求救吾以躡

地紀散輝禹步轉關指之三度即走出軍一
符往胡王案上胡王見帶符左手肘後開國
門與戰與此王戰者皆自仰倒兵衆大敗被
城中兵殺之須臾之間天地大曠雷風震天
動地白雨連殺四天軍軍及王各散走歸國
不失其位故知符力之聖者莫過於此慎勿
令非人見視見視彼此被考天大威之即死
事非輕小慎之慎之

辭二

十

言赤章助國伐賊法

太上老君曰救者助國之功救國之難

國王

帝主差大臣攻伐逆賊却被賊圍者夫是掌
法志道之人與國救之上赤章使天兵轉天
關救之速於水火之急得國強賊退兩不損
傷爲上若彼賊強梁不伏奏上天公今呼天
公爲玉皇上帝書言罪此是爲天施功功大
天不伐躡殺之罪著爲救人之陰功也安養
人物此天大喜與計陰功後聖言改書爲赤
章章奏反臣章言

泰玄都云云

上言謹按文書某州縣某人云云言某乙爲

某事反今國命某臣云云某乙為將將統兵若干萬兵馬往某州界伐某賊眾若干千萬恐彼眾強逆壯麤勃故殺平人應當拒敵兇強不受收伏今某却被所圍在某城營中不

得出恐命被誅立在須臾求

臣救命臣上請

辭二

十一

天兵伏願下九天大威神兵大將軍九人兵士九十萬人一合下與臣錄兵九千萬人攝九地社廟神兵九千萬眾陰中布陣行立聞

臣某乙陽兵發角打鼓即聲中發兵助伐彼

賊其眾兇婚之徒一時令崩如山傾倒粉碎

一云石碎砂崩鹿走歸伏開路與某將軍兵

衆出生又請白虎符將吏一萬九千人能伏

衆兵威動天震地力可拔山竭海與臣某助

某將軍擊伐某賊云云後聖君告天師曰卿

須以意想他是反君主即可如非不可慎之

勿妄下此兵權罪及卿已老君曰大道無不

可用心即行但以人心自以量測可否不得

妄爲夫與志親志道友之人欲上此章即須

前量上章人身及己身無過乃可與上如上

章人有過傍人似無過亦不得及己更有過

此是二人自告天言罪損身立即須臾弟子
反師師却奏靈官章此章本在大章儀中具
載今更再書於此引中主降伏弟子及俗惡
人孤恩負道却奏靈官請解章使復病如初
章雜章儀有此更不寫已具其目

發符檄制止三官中凶惡為祟害人
物等法天地水三官之中有凶惡凶
人神龍鬼精妖等是

老君曰告天頭禁師羅文能強姓羅文名能
強曰夫人者三才之數除天地之外以人為

貴萬物之尊莫不以重其身而安養其性當

思道法常衛身命存師想道存金錄之師金

錄師即金鎖流珠度師是也想金錄之道金

錄後聖改為金鎖流珠是也上古真人重金

錄之符尊金符度師也出金錄之神兵咄叱

辭二

十二

鬼神走檄符常救命此即是吾弟子也是道

玄孫符檄衛已衛人取功甚易後當得道為

上等真人不從聲聲是經誦聲讚修齋念道

歎道之聲是也像像是立尊殿容像宮觀神

廟之屬皆為像教也能得老君曰聲像是人

間之善以訓小童蒙小人之初門令其小兒
心起志善善中漸以長成即知有道故名聲
像起善心之教教而精學久而無所獲爲心
不及若能弃有爲之言反心更入至道修行
不言之教進服陰功精而行即得入無爲之
德而成道吾道皆行陰德潛著陰功功滿道
成吾此道輪轉年劫數滿皆以因師見遇得
受此書受後勿妄傳非人世有賢達信金玉
而傳老君告善行真人言曰如志人傳志教
人賢無信以將心爲信志苦好樂便與傳之

而師共弟子衆辦信供乃曰告天而付授之
勿絕上天之道也賢而無財師弟共辦而傳
不可無信不傳不可有財寶非賢達人受財
妄傳師弟俱死被天責泄露天寶之罪也慎
之慎之

辯二

十三

金鎖流珠引卷之二十二



